

普洱府志稿卷之三

天文志三

祥異

符瑞之徵鄰於讖緯左氏傳春秋多載災異如石言神降之類而後世多訾之以爲浮淫而不知亦未可厚非也易曰天垂象見吉凶聖人象之河出圖洛出書聖人則之自班氏撰漢書五行特列一志後代之史皆效之良以休咎之徵關係匪淺也普洱地僅偏隅祥異必徵而錄之庶識斯土者不以爲不足憑而修省彌殷自克召休祥於有象而泯妖異於無形矣

普洱府志

卷之三

天文志三

五

雍正元年威遠景星屢見

十月威遠龍神祠產石靈芝

十一月威遠地震

乾隆二年五月威遠五彩雲見

二十六年日月合璧五星聯珠

二十七年威遠慶雲見五穀豐登

二十九年威遠地震

三十年七月他郎景星見於東方

四十年普洱府災

四十一年西山夜光珠見



四十二年威遠大水

四十三年六月白霞見

五十四年六月他郎景星見於南方

五十七年三月朔他郎地震有聲四月復震

十月威遠大雪

五十九年十月威遠大雪

六十年七月他郎彗星見於西北至十一月方滅

嘉慶元年威遠抱母井大水 府城南關火

二年威遠地震

三年五月他郎慶雲見

普洱府志

卷之三

天文志三

六

五年十月他郎彗星見西北

七年八月白雁來

八年威遠大水無禾麥七月白霞見

九年五月他郎慶雲見

十年威遠大饑

十一年冬威遠大雪

十二年威遠火大雨雹

府城內聞虎嘯聲

占云賊平果驗

十六年七月他郎嘉禾雙穗八月他郎大疫次年二

月乃止

十八年抱母井大水



十九年彗星見 抱母大水

二十一年他郎歲歉連四歲皆歉

二十三年威遠大水 七月他郎景星見

二十五年八月大風拔木雨雹傷禾 他郎大有年

道光元年日月合璧五星聯珠 自元年至五年他郎

歲豐

二年五月他郎慶雲見

四年七月威遠彩雲見

五年七月他郎慶雲見 八月他郎彗星見於東南

十一年威遠五色雲見

普濟府志稿

卷之三

天文志三

七

十三年威遠猛廼村火災

十四年威遠火災

十五年威遠饑

十六年威遠五穀豐登

十八年十月府城滿天星飛

二十七年威遠大水

二十八年八月府城地大震

二十九年六月府城慶雲見於東方五穀豐登威遠

大水

十二月立春日府城地震



三十年府城地屢震 九月十三日亥刻思茅東南隅黑雲中有聲如鼓頃刻止復響忽黑雲開有紅星大徑尺者一隨以小紅星十數點隕流墜於西北距廳城五里許乃黨村何姓家紡車傍入土成石外黑亮色錘破之內作銀礦色

咸豐五年九月初五日府城晝晦經時許天鼓鳴

七年猛班彩雲見由地升空十數丈許結成華蓋隱隱有龍形藏於其中第縹渺莫辨是歲民間豐收

十年甯洱大疫

十一年他郎大疫

普洱府志稿

卷之三

天文志三

八

八月彗星見其末旋繞小星數十月始滅

同治元年秋普洱疫癘流行 又冬十一月普洱有物

怪長數丈形似鱗色赤由東飛落西北

十二月思茅蕭公祠古柏起煙結爲環旋結旋散

自辰至午乃止

四年春他郎大疫

五年夏五月他郎旱米價昂貴

六年他郎大旱

八年他郎彩雲見東北是年稔

十年他郎歲大熟



十一年他郎歲稔

光緒元年正月甯洱思茅慶雲見

秋七月他郎地震

二年正月他郎地震數次

四年八月他郎壩利小村隨山移里許民物如故

五年七月甯洱漫故能村地陷成巨浸民居盡沒前

三日地中有聲民恐遂遷移是故陷未傷人

六年九月十八日思茅空中有礮聲紅光下墜圓如

鏡至半分數團落西隅

七年思茅大雨雹

普洱府志稿

卷之三

天文志三

九

八年冬他郎彩雲見

十年五月初三日普洱東山鳴九月二十三日陰雨

瀾漫東西洱河水暴漲至二十七日地大震有聲

自西南來山崩坼裂廟宇衙署居民傾圮無數傷

八十餘人斃十七人是夜大雨四山吼鳴西南若

有礮聲至十月杪猶時震動

思茅威遠亦同月地震

十二年十一月星隕如雨

十八年七月慶雲見十月白雲互天